

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL ADMINISTRATION OF CIVIL PROTECTION

Broj: 05-40-9-112-2/2021
Sarajevo, 07.06.2021. godine

- KANTONALNIM UPRAVAMA CIVILNE ZAŠTITE - s v i m a
- SLUŽBAMA CIVILNE ZAŠTITE OPĆINA/GRADA - putem KUCZ, s v i m a

PREDMET: Obavijest o preduzimanje preventivnih mjera zaštite i spašavanja od prirodnih i drugih nesreća na području Federacije BiH, *dostavlja se.*

Obzirom da je prethodnih dana zbog obilnijih kišnih padavina i pljuskova došlo do naglog porasta vodostaja na rijekama i njihovim pritokama, isto je značajno povećalo rizik od plavljenja stambenih, industrijskih i drugih objekata, te obradivog i drugog zemljišta u Federaciji Bosne i Hercegovine (u daljem tekstu: Federacija BiH). Posebno su velike opasnosti od aktiviranja većeg broja klizišta i odrona, kao i oštećenja saobraćajnih komunikacija na području Federacije. Takođe je, prema dugoročnim meteoerološkim prognozama za ovo ljeto, moguća pojava suše što može prouzrokovati nedostatak pitke vode za stanovništvo, odnosno biti značajna prepreka za normalan razvoj poljoprivrednih kultura, a što, u krajnjem slučaju, negativno utiče na visinu prinosa i kvalitet proizvoda.

Kako bi se navedene ali i druge opasnosti, umanjile i držale pod nadzorom, a u cilju zaštite i spašavanja ljudi i materijalnih dobara, potrebno je da nadležni organi, odnosno nosioci zaštite i spašavanja u općinama i gradovima, kao i kantonima, provjeravaju, odnosno redovno planiraju, organizuju i provode neophodne preventivne mjere zaštite i spašavanja.

U cilju zaštite i spašavanja ljudi i materijalnih dobara od pojave i posljedica koje mogu biti izazvane poplavama i sprečavanju opasnosti od štetnog djelovanja voda (pojava poplava, bujičnih i podzemnih voda na vodotocima, erozija, klizišta, odrona, i dr.) na području Federacije BiH, nadležnim organima civilne zaštite kantona, odnosno općina/gradova ponovo dajemo slijedeće

P r e p o r u k e

za organizovanje i provođenje preventivnih mjera zaštite i spašavanja ljudi i materijalnih dobara s ciljem sprječavanja i smanjenja opasnost.

Potrebno je da nadležni organi civilne zaštite u kantonima i općinama/gradu:

- 1) provjere da li su, na njima nadležnim područjima odgovornosti, predviđene sve potrebne mjere zaštite i spašavanja od poplava, odnosno bujičnih i podzemnih voda, erozija, klizišta, odrona i sl., u skladu sa odgovarajućim odredbama važećih propisa kojima su regulisana ova pitanja;

- 2) svakodnevno osmatraju i prate stanje vodotoka, objekata i terena, a da za potencijalno opasna područja planiraju i organizuju provođenje odgovarajućih aktivnosti (akcije čišćenje riječnih korita, odvodnih kanala, uređivanje obala, izgradnja nasipa, preusmjeravanje vodotoka, saniranje klizišta, komunalne infrastrukture i druge potrebne mjere), te prate stepen realizacije tih mjera i aktivnosti;
- 3) po potrebi unaprijede saradnju nadležnih organa civilne zaštite sa pravnim društvima i pravnim licima koja upravljaju vodnim objektima, kao i drugim nosiocima zaštite i spašavanja (komunalna i građevinska preduzeća, kajakaški i ronilački klubovi, vatrogasne jedinice, policija, BIHAMK, GSS i dr.) radi redovnog i vanrednog praćenja vodostaja i pravovremenog informisanja građana o nailasku plavne vodene mase;
- 4) informišu građane o organizovanju i provođenju mjera samozaštite u slučaju poplava, klizišta i drugih prirodnih nesreća;
- 5) organizuju i provode aktivnosti na sprječavanju nelegalne gradnje građevina u vodozaštitnim zonama i geomorfološki nestabilnim terenima i dr.;
- 6) provjere, odnosno izvrše preglede i procjene upotrebljivosti raspoloživih materijalno-tehničkih sredstava i opreme (čamci, cisterne za vodu, pumpe i dr.) za spašavanje na vodi i pod vodom i preduzmu potrebne mjere na otklanjanju uočenih nedostataka i
- 7) provjere dostupne izvore vodosnabdijevanja, zbog najave sušnog perioda u narednom periodu, te u saradnji sa nadležnim općinskim i kantonalnim službama vode računa o racionalnom korištenju vode za piće, osiguravanju i tehničkom osposobljavanju raspoloživih cisterni, a u saradnji sa nadležnim javnim preduzećima saniraju oštećenja na vodovodima, tako da se gubitak vode svede na minimum.



Dostaviti:

1. Naslovu (putem Operativnog centra FUCZ),
2. a/a